

- Et suspirantis lacrimas ridebat amantis:
 Illos ridebat, quos ipse mori faciebat.
 Impius ille quidem, crudelis et impius¹ idem,
 Qui vitio morum corpus vetat esse decorum.²
 25 Bella bonam mentem facies petit et patientem,
 Sed³ non inflatam, sed ad hæc et ad illa paratam.
 Flosculus etatis citus et⁴ nimie brevitatis,
 Postquam marcescit, cadit et revirescere nescit.
 Hec caro tam levis, tam lactea, tam sine nevis,
 30 Tam bona, tam bella, tam lubrica tamque tenella,
 Tempus adhuc veniet, quo turpis et hispida fiet,
 Cum fiet vilis caro certe cara puellis.⁵
 Ergo dum flores maturos exime mores:
 Dum potes et poteris, cupido dare ne pigriteris,
 35 Per quod carus eris, nec ob hoc minor efficieris.
 Hæc mandatorum, karissime, verba meorum,
 Missa tibi soli, multis ostendere noli.

Hierauf folgen nun S. 244 ff. (Rem. f. 173 v.) verschiedene Stücke, die ich nirgends gefunden habe, zunächst:

De contemptu seculi.⁶

- O genus humanum, seclum iam respice vanum,
 Linquens te linque, finisque memento propinque.⁷
 Exul es in mundo, tua cura sit in redeundo,
 Ad patriamque redi, iussisque vocantis obedi.
 5 Num liquido cernis, quid distent ima supernis?
 Quam cito labatur, quicquid durare putetur?
 Ipse docet mundus, quare sit pretereundus,
 Et si non es hebes, monstrat quo tendere debes,
 Ut fluxis spretis properes ad regna quietis,
 10 Cumque repentinas minitetur agatque ruinas,
 Ut se nullus amet, sic innuit hoc quasi clamet.
 Celica ne speret, cui terre venter adheret:
 Stulto vel segni non dantur premia regni.
 Ergo quid attendas? res despice prociendas.
 15 Quere capessendas, capta sine fine tenendas.
 Monachus iste quidem, si fecerit hec tria pridem,
 Verbis adde fidem, celestia possidet idem.
 Pro vita pura sunt premia cuique futura,
 De vestitura non est super ethera cura.
 20 Pro propriis gestis, non pro discrimine vestis,
 Dat verus testis Stiga sontibus, astra modestis.

Est dolor immanis, quia carta redibit inanis.

1) 'austerus' Rem. 2) 'deorum' Clar. Rem. 3) 'Et' B. 4) 'est' B.
 5) 'caro chara caro puerilis' B. 6) 'mundi' Rem. 7) So, durch den Reim geschützt.